

疆

識

畧

彊識畧三十九卷

崇陽吳楚材國賢編 男徵徽效全校

雜志部上

姚令威西溪殘語云海潮之說多矣葛洪謂天河
激湧正一經謂地機翁張廬肇以日激水而潮生
封演云月周天而潮應范僧謂挺空入漢山湧而
濤隨濤志謂析木大梁月行而水大皆無適從大
率元氣虛吸天隨氣而漲歛漠渤往來潮隨天而
進退者也以日者重陽之母陰生於陽故潮附之
於日月者太陰之精水者陰象故潮依之於月是
故盈於朔望消於朏魄汐於上下弦息於輝朏故
潮有大小焉而惟浙潮獨大何也浙江之口起自
會稽纂風亭北望嘉興太山水濶二百餘里下有
沙潭南北亘泛月離震兌它潮已生後水益來益
怒頓湧故激射起而為濤耳非海門逼湧使然也
見王明清揮塵錄

漢制卿駟馬右駢故有五馬東方朔傳太守駟馬

駕車一馬行春衛宏輿服志諸侯駟馬駟以一馬

南史柳元策兄弟五人並為太守時人語曰柳氏

門庭五馬逶迤謝靈運為永嘉太守以五馬自隨

立五馬亭宋俞文豹清夜錄

唐李憲松憲雜錄浙右魚人於秦淮下網得古鏡

照見五臟六府榮脉腕戰而墜又雷公鑠

塵犀簪煖金魚袋青龍皮鄱陽王墓中自

動墨研日中軟杖子龍腦香崑崙子鏤元

先生贈帝丹尚書鮫綃鏤金玉香囊并玉鏤子

長三尺餘異竹篾長二百餘尺黃楊枕文有

仙人乘龍形張公洞翠碧中藏上藥桃源洞

中仙人碁子不生澁鐵腰帶常穀尚書夢中

所得軟羅纈中西蜀織成蘭亭拂林國雕紫金

衣筆管上鏤盧思道燕竹歌

瑪瑙如小合底寫國王白玉劍長二尺餘

闍闍今謂之淨身人猶唐之所謂白者懿宗時者

道進唐宣宗懿闍闍宦之橫令狐綯密奏云但有罪

莫拾有闕蒙填自然無遺類矣予謂此法可行之

為僧道者見餘冬錄

唐宋以前無乘轎事乃見於宋南渡後今制兩

京文職三品以上官聽乘轎四品以下雖堂官只乘馬得以方枕隨餘持交床在外司府州縣大小官並有欵給馬若武臣雖勳爵侯伯而下制止乘馬亦不得持交床不然以違制論又京師制不許用涼織暑月惟堂上官得用黑油長柄大扇科道部屬官自以織扇障面南京堂上官舊用單簷絹織科道部屬用大扇間亦用小絹織然皆非制亦曾禁止此說出於餘冬序錄近日都城有用油紙雨傘雖州縣初授官亦然矣天下水泉三億三萬三千五百五十有九其在遐荒不可得知江河自西極連於東溟中國之大川者也其餘百三十有五水是為中川其千二百五十有二是水是為小川若渭洛汾濟漳淇淮漢皆亘方域通舳艫為天下利源而第品天下之水以江心水為第一惠山第二虎丘第三非善論水者也如山東之趵突泉北都之神山泉泉河之七十二泉兩相較量恐未可優劣見推蓬寤語餘冬序錄云河漕之制分兵民之賦半天下府衛力以為轉輸官軍十二萬七千八百有奇舟萬二千一百有奇輸糧石帶耗六百萬有奇領之以將

帥臨之以風紀蓋京師視河漕猶咽喉也

晉書赫連勃勃以鐵伐人為契丹國號遼實以鎮鐵為號如

鐵皆堪伐人也按契丹國號遼實以鎮鐵為號如

貞國號金亦是取義堅剛夷狄之見千載一律此

魏招拔氏曰元蒙古國號元其取義不同而名自

符會如此

張世南游宦紀聞退之孔幾志銘云孔氏三十八

吾見其孫白而長身按說文升音入而集反二十

并也北臘連達反三十并也此亦先立反四十并

也退之自謂識字故用之為四字銘亦刊正書者

改作三十八非是春按始皇碑三十有八年或謂

句皆四字而此獨多一字非是宜從卅八為是亦

是意也

月中所挂人酉陽雜俎云吳剛李賀詩云吳質當

是名剛字質也甯戚飯牛車下淮南子作甯戊則

知名戚字戊也○魯參字子與參吾衍謂當讀參

乘字不音疏著切言字子游於旌旗之游也見說

文彛生諸馮及馮婦之馮皆音皮冰切古不音符

容切也本草角雅言味酢皆醋字今酒醋乃酢

字誅殊檮檮士土等字今人亦皆差謬秦誓如有

一介臣大學作介臣明堂左个右个之个作介為
唐書倪兩石弓不如識一丁字按續世說書此
以个字盖个與丁相似傳寫誤也淮南子宋景
惑徒三舍當如史記作三度亦傳寫謬子夏讀
史音三豕渡河子夏曰此已亥也左傳行李之
本作岑舊文使字漢書廉察之燕本作規有規
之義音同廉皆傳寫之誤韓文李愿盤谷序王
至本盤之土土為下窅而深深為空黃庭堅詩柳
榆作由音押東坡次韻毛滂芋火對懶殘懶字作
蘭字讀俗只為用蘭字
禮有謚自堯而上王者子孫據國而起功德浸盛
故造美謚舜禹本以白衣砥行顯名升為天子雖
後制謚不如名著舜者准也循也禹者輔也湯者
桀也文武皆以其長言之二王豈不能兼文武者
哉夏商繼世之君未嘗立謚至周始加謚而有幽
厲之名孟子所謂孝子慈孫百世不能改焉者也
秦人鑒此謂以子議父臣議君也遂去謚法後世
自漢以下帝王謚號非易代之日有美無惡若增
累美謚盖始唐代宗時顏真卿上言上元中政在
官壺始增祖宗之謚玄宗未茲臣竊命累聖之謚

有加至十一字者按周之文武言文不稱武言武
不稱文豈盛德所不優蓋群臣稱其室者故也故
謚多不為褒少不為貶今謚號踰古請自中宗以
上皆從初謚按唐世累朝群臣又有請上尊號之
率乃近於生謚矣臣子以此獻諛君父安顧其非
禮也相人術人皆以姓布子卿為始而不知黃
帝書古之用針艾者視人太陰少陰太陽少陽腎
實蕪相皆上古
菽園雜記古諸器物異名龜鼉其形似龜性好負
重故用載石碑螭蚺其形似獸性好望故立屋角
上徒牢其形似龍而小性好吼叫有神力故懸於
鍾之上憲章其形似獸有威性好吼叫有神力故懸於
上繫餐性如水故立橋所蟻蜴形似龍性好獸鬼頭性好
腥故用於刀柄上蠶蛭其形似龍性好風雨故用
於殿脊上螭虎其形似龍性好火烟故立於香廬蓋上碑文
上金視其形似獅性好火烟故立於香廬蓋上碑文
也其形似螺獅好閉口故立於門上今呼鼓了非
也蚺蚺其形似龍而小性好立於險故立於護朽上
黃魚其形似龍好吞火故立於屋脊上獸物其形
似獅子性好食陰邪故立門環上金吾其形似美

人有魚尾有兩翼其性通靈不睡故用巡警出山海經博物志右嘗過倪村民家見其雜錄中有此因錄之以備參考如詞曲有門迎四馬車戶列八椒面之句八椒面人皆不能曉今觀椒面之名義亦有出也然考山海經博物志皆無之山海經原缺第十四十五卷聞博物志自全本與今書坊本不同豈記此者嘗得見其全書與呂西涯窮說云按說文窮之為義亦多矣為極為竟為究為塞今始就其所謂塞者言之對富而言則為民之窮孟子曰鰥寡孤獨皆天下之窮民而無告者也對達而言則為士之窮孟子曰窮則獨善其身傳曰士窮乃見節義民之窮者必有待於上之人書曰子惠困窮者是也若士之窮則自守而不外慕論語所云君子固窮者孔子之言也彼莊子乃謂孔子曰吾諱窮久矣是豈知聖人者哉韓退之作送窮文稱智窮學窮命窮文窮交窮者而卒歸于正若虞卿著窮愁之書段成式為留窮之詞唐子西亦有留窮之詩皆士之流窮而不厭者也說者又謂孔孟窮而在下則明道於後世周公達而在上則行道於當時故素貧賤則行乎貧

賤素富貴則行乎富貴君子之達者豐必窮之為
尚哉惟不忘此心思以求民之窮振士之窮而已
某公遭盛時居重地位尊祿厚固不可與窮者同
日語顧能屏省驕從儉節自奉而於窶人貧士輒
揮斤金帛以相濟援是可謂救民之窮人有寸長
片善必加軫念延譽而汲引之惟恐不及是可謂
振士之窮矣然獨有所推薦者焉聞四方水旱盜賊則
為蹙然而不寧有所推薦者焉聞一切付之公議而不侵
其職茲方佐天子出政令以宣德布澤任賢使能
俾家給人足民安而吏稱啼餓號寒之聲不聞於
野數老嗟卑之氣不形于朝天下之人無不獲其
所者然則公之達施厚報雖欲辭之不可得何窮
之足云乎是固公之所以自警而尤有自王于成
者也若說云苦之為義為困粹為勤勞為幸楚為
陵侮今姑就勤與困言之天下之味有五而若居
其一酸醎之類各有所偏惟苦與耳正相對於是
有勞困之象焉書五行曰炎上作苦火之味也惟
人之情亦然其為苦正與樂對者也孟子曰天將
降大任於斯人也必先苦其心志是以味喻志也
張良曰良藥苦口利於病忠言逆耳利於行是以

味喻言也楊雄曰類若孔之卓是以喻學也蓋於
安居快適之時寓勤勞困悴之義君子固不擇焉
天下之物耳者常少而若者常多天下之情苦者
常多而樂者常少處樂者易而處苦者難故為學
者必攻苦食淡疲精力而不敢逸立身者必食水
齧蘗絕嗜慾戒遊逸而不于便安是圖蒞政治事
者必勞心焦思鞠躬盡瘁先天下之憂而憂後天
下之樂而樂而後學可成身可立而政事可行也
苦之義其盡於是乎公入為天子股肱心膂之臣
凡政之黜陟予奪無所不得聞出為爪牙之將凡
令之生殺賞罰無所不得行然卻重位而不忘乎
勤饗厚祿而不忘乎儉寧勤吾之身而不忍勤吾
之民寧困吾之心而不忍困吾之士通達民隱奉
宣德意如古所謂問民疾苦者暑不張蓋險不乘
輿手無瘡痍口問疾病如古所謂與士卒同甘苦
者公之心蓋以天下為心而不以一人之心為心
也予故以公之所自處者為說公有味於斯言也
哉

移文仲字有日用而不知所自及因襲誤用而未
能王者姑舉一二如查字音義與槎同水中浮木

也今云查理查勘有稽考之義弔本傷也愍也今云吊卷吊冊有索取之義票與票同本訓急快今以為票帖綽本訓寬緩今以為巡綽盛本孟也今以名鐵胄錫本鉦也今以名釧屬又如開朝開辦課程其義皆未曉其亦始於方言也故價直為價值足穀為足勾幹運為它運此類尤多甚者施之章奏刻之榜文此則承譌踵謬而未能正者也佛本音弼詩云佛時仔有又音拂禮記云獸鳥者佛其首註云佛不順也謂以翼戾之禪本音檀孟子子曰唐虞禪是已自胡書入中國佛始作符勿切禪始音壇今人反以輔佛之佛禪受之禪圈科非知書學者

摺疊扇一名撒扇蓋收則摺疊用則撒開或寫作菱者非是菱即團扇也團扇可以遮面故又謂之便面觀前人題詠及圖畫中可見矣聞撒扇始於永樂中因朝鮮國進松扇上喜其卷舒之便命工如式為之南方女人皆用團扇惟妓女用撒扇近年良家女婦亦有用撒扇者此亦可見風俗日趨於薄也

釋迦生周昭王二十四年四月八日中國人奉胡

義者於是日記其神周正建子四月即今之二月
也今以夏正四月八日為佛生日非也此說出臘
仙最為有見然今朝中以四月八日為佛節賜百
官契不落英莫有覺其非者
輟耕錄云至元庚辰潘昂霄授招討使佩金虎符
往窮河源是歲四月至河州州東六里有寧河驛
驛西南五六十里山曰捉馬関林麓穹謚譯言忝
石谷班啓足浸高一日程至巔西邁愈高四閱月
約四五千里始抵河源冬還圖城傳位置以聞上
說往往營之授土蕃等處都元帥仍金虎符置寮寨
督工工師悉資內地造航為轆六十城傳惜工物
完開闢出驛聞適相奇征昆哥藏不迴力沮遂止
翼哉允都實旋都河源在土蕃朵井思西鄙有泉
百餘泓或泉或潦水沮洳散渙方可七八十里且
泥淳弱不勝人迹遍觀弗克旁履高山下駟燦若
列星以故名火敦惱兒火敦譯言星宿也群流奔
湊近五七里滙二巨澤名阿刺惱兒自西徂東連
屬吞並廣輪馬行一日程迤邐東驚成川號赤賓
河二三日程水西南來名亦里出合赤賓三四日
程南來召忽蘭又水東南南來名也里木合流入赤

賓其流寢大始名黃河然水清人可涉又一二日
枝裂八九服名也孫幹論譯言九渡通廣六七里
馬亦可度又四五日程水渾濁土人抱華囊乘騎
過之民聚落糾木幹復丹得毛革以齊僅容兩人
繼是兩山峽東廣可一里二里或半里深巨測矣
朶井思東北鄙有大雪山名亦耳麻不莫刺其山
最高譯言騰乞里塔即崑崙也山腹至頂皆雪冬
夏不消土人言遠年成冰時六月見之自八九股
水至崑崙行二十日程河行崑崙南半日程地又
四五日程至地名關即及關提二地相屬又三日
程地名哈刺別里赤見四達之衝也多寇盜有官
兵鎮防崑崙崙迤西人簡山多處山南山皆不穹峻
水亦散漫獸有髦牛野馬狼狽獐羊之類其東山
益高地亦漸下岸狹隘有狐可一躍越之者行五
六日程有水西南來名乞兒馬出二水合流入河也
又兩日程水南來名乞兒馬出二水合流入河也
北行轉至西崑崙北二日程地水過之北流少東
又北流約行半月程至貴德州地名必赤里始有
州事官府州隸河州置司土蕃等處宣慰司所轄
又四五日程至積石州即禹貢積石五日程至河

州安鄉閼一日程至打羅坑東北行一日程洮河
水南來入河又一日程至蘭州其下過北卜渡至
鳴沙州過應吉里州至東行至寧夏府南東行即
東勝州隸西京大同路地面自發源至漢地南北
澗溪細流傍貫莫知紀極山皆草山石山至積石
方林木陽茂世言河九折彼地有二折蓋乞兒馬
出及貴德州必赤里也漢張騫使絕域羈縻拘執
艱厄百懼歷大宛月氏等數國其傍大國五六皆
稱傳聞以為窮河源烏能覩所謂河源哉
世謂有疾曰不快陳壽作華佗傳已然禮記錦
帶注居士謂道藝屬士也始於商周之時見韓非
子男女締姻兩家相謂曰親家二字見唐蕭嵩
傳北方親字作去聲親家翁見五代史人家密
戶較具或鐵或銅名曰環紐即古金鋪遺意北方
謂之屈戌見梁簡文李商隱詩暇日讀書遇事
物史異名者偶記一二以備采覽云割政割剥之
政亡史記帝紀三父馬牡馬也史記平姓書毳布
罰也說文曰西胡毳布香物夢書曰夢得香物婦
女歸也藏魚記鮓藏魚也清室獄也史表盜傳倪
糖獅子乳糖也後漢顯宗紀令草宜男花也傳玄

賦毛席璫也後漢西域傳竹練竹布也庾翼與燕

王書曰竹練三端竹萌荀也見說文練香和香也

李賀詩練香重宋鵲南威鐵攬也太平廣記石蜜

櫻桃也同上木蜜索于也同上雜腹合香也通典

四十三脂炬燭也杜陽雜記竹胎筍也說調香和

香也華嚴經曰粥香長者善調香毛布褐也詩七

月箋獵碣石鼓曰獵碣蘇助載記王窪酒器也綿

畧浹日從甲至甲斤十日也周禮天官浹辰辰十

二辰自子至亥也女傳成九年丹若石榴也酉陽

雜俎不耐煩三字見宋書庾登之弟仲文傳阿

誰二字見三國志龐統傳頃後白髮曰素領漢

馮唐白首為郎官素髮垂領俗語以不潔為鑿

糟見霍去病傳注謂盡死殺人俗語謂之不中用

也見左傳注凡婢役於婢者俗謂之重臺哺時

為僕日映為臺見左傳注婢者俗謂之重臺哺時

也六婆牙婆媒婆師婆度婆藥婆穩婆也

朝野僉載唐益州新昌縣令夏侯彪之初下車問

里正曰雞子一錢幾顆曰三顆彪之乃遣取十千

錢令買三萬顆謂里正曰吾未要且寄鷄母抱之

遂成三萬頭鷄經數月長成令吏與我賣却一雞

三十文半年之間成九十萬又問竹筍一錢幾莖
曰一錢五莖又取十千錢付之買得五萬莖又謂
未須且林中養之至秋成五萬莖竹令賣一莖十
錢遂至五十萬其貪猥不道皆此類漢發兵用
銅虎符及唐初為銀兔符以兔子為符瑞故也又
以鯉魚為符瑞為銅魚符以佩之至偽周武姓也
玄武龜也又以銅為龜符薛震好食人肉與輟
耕錄所載張茂昭麻胡等云云詢葛錄古優女曰娼
後稱娼之老婦曰保考之鰓魚為衆魚所淫鵠鳥
為衆鳥所淫相傳老娼呼鵠意出於此魚或因娼
而得名也即蛇與龜交而雄龜畏避之意故曰龜
○黃卷謂古人用辛苦之物染紙以辟蠹其色黃
故稱黃卷有差誤以雌黃塗之而蓋以墨書後人
有言誤即翻改任意是非謂之口能雌黃俗稱
孔為窟壘蓋翻切也結屋枋湊合處必有牝牡
筍穴俗呼為公牡筍是也
謂言編老人星一名狐南一名南極見則天下治
平只一星耳今人往往以長頭短身拄杖龜鶴謂
之壽星何也
象泉離言崑崙首也中條脊也南北條左右臂也

醫無閭也大海勝眈也歸虛尾間也島嶼兩足

十指也土肉也石骨也水泉血脉也岳臙也漬臍

也岡阜筋節也澤孔穴也草木毛髮也氣而形也

雨雪呵也風吹虛也霜露汗也雷聲音也霆怒而

呼也潮呼而攸吸也書寤也夜寐也晴明喜也晦

冥愁也鬼神魂魄也日月耳目也星宿口鼻也形

而氣也

廖瑩中雜錄阿房宮賦六王畢四海一蜀山兀阿

房出陸倕作長城賦云千城絕長城列秦民竭秦

君滅倕輩行在牧之前則阿房宮賦又祖長城句

法矣牧之云明星焚焚開妝鏡也綠雲擾擾梳曉

鬟也渭流漲臙脂水也煙斜霧橫焚椒蘭也雷

霆乍驚宮車過也轆轤遠聽杳不知其所之也盛

言秦之奢侈楊敬之作華山賦有云見若咫尺田

千畝矣見若環堵城千雉矣見若枉水池百里矣

見若蟻蛭臺九層矣蜂窠聯聯起阿房矣小星焚

焚焚咸陽矣一山賦杜司徒佑已常稱之牧之乃

佑孫亦是倣微之所作信矣文章以不蹈襲為難

也

瑣綴錄內外諸司印文俱用疊篆以九招畫而止

字用成雙不及雙者足以之字而總兵所掛印文
則用柳葉篆其御璽與各王府之寶則用玉箸篆
其印形方大小有差一品者三臺二品者二臺俱
銀三品以下者銅惟應天府特賜銀印示所重也
而巡按御史印柄端有孔條穿之其餘雜職衙門
則形稍長不方故謂之條記云
劉歆西京雜記楊雄讀書有人語之曰無為自苦
玄故難傳忽然不見雄著太玄經夢吐鳳凰集玄
之上頃而滅董仲舒夢蛟龍入懷乃作春秋繁露
辭相如將獻賦未知所為夢一黃衣翁曰可為大
人賦遂獻之賜錦四疋慶虬之嘗為清思賦時人
不之貴也乃託以相如所作遂大見重公孫弘著
公孫子言刑名大事亦謂字直百金淮南王安著鴻
烈二十一篇鴻大也烈明也言大明禮教號為淮
南子一曰劉安子自云字中皆挾風霜枚臯文章
敏疾長卿制作淹遲皆盡一時之譽而長卿首尾
溫麗枚臯皆有累句故知疾行無善迹矣楊子雲
曰軍旅戎馬飛書馳檄用枚臯廟廟朝廷高文典
冊用相如楊子雲好事常懷鉛提槧從諸計吏訪
殊方絕域四方之語以為裨補輶軒所載司馬遷

發憤作史記百三十篇以伯夷居列傳之首以為
善而無報也為項羽本紀以睢高居位者非閔有德
也茂陵文固陽本卿那人善馴野雉為媒每三
春為茅障以自翳用鮭矢射雉日連百數輕薄化
之皆以難寶翳障蘆葦弩矢輕騎妖服追隨道略
以為懽娛李亨好馳駿狗逐狡獸或以鷹鵠逐雉
禿皆為之佳名狗則有脩毫釐睫白望青曹之名
鷹則有青翅黃眸青冥金距之屬鵠則有從風鵠
孤飛鵠楊萬年有猛犬名青駁買之百金杜陵
秋胡通尚書善為古隸字翟公欲以兄女妻之或
人以魯秋胡為言魯有兩魯參趙有兩毛遂王未
理死畢未屠皆為璞月旦車輪皆為朔今之秋胡
非昔之秋胡也
葉隆禮遼志契丹有二水曰地也里沒里復名陶
猥思沒里者是其一也其原出自中京西馬孟山
東北流華言所謂土河是也曰梟羅箇沒里復名
女古沒里者又其一也源出饒州西南平地松林
直東流華言所謂黃河是也至木葉山合流為一
古昔相傳有男子乘白馬浮土河而下復有一婦
人乘小車駕灰色之牛浮黃河而下遇於木葉山

顧合流之水與為夫婦此其始祖也是生八子各
居分地號八部落立遺像于木葉山後人祭之必
白馬灰牛用始來物也又一主曰廬山後人祭之必
在穹廬覆以種大事則祭始變人形出視事見即
入穹廬復為觸體又一主曰喝呵戴野豬頭披野
猪皮居穹廬中有一主曰退復隱入穹廬如故又
一主畫里昏呵惟養羊二十口日食十九留其一
次曰復有二十口契丹始立其國大原興自阿保
機至耶律德光而浸盛五季之衰石晉胎繫中華
名器盡盜有之宋增歲幣號稱無事女真啓心一
呼瓦裂矣部族本無姓氏至阿保機始以王族
號橫帳所居地名世里復賜后族姓曰蕭氏故北
番惟貴耶律蕭氏其官有契丹樞密院及行官都
總管司謂之北面以其在牙帳之北以主番事又
有漢人樞密院中書省行官都總管司謂之南面
以其在牙帳之南以主漢事其陽隱宗正寺也夷
高畢參知政事也林牙翰林學士也夷離中刺史
也內外官多倣中國者其下佐吏則有敝史本古
思奴古都奴古徒奴古古分領兵馬則有統軍侍衛
控鶴司南王北王奚王府王帳分提失哥東西都

省太師兵又有國勇幹轄選輦裳衣諸司南北
皮室二十部族節度頗必里九克漢人渤海女直
五節制五治火帥一百六百九百家矣凡民年十
五以上五十以下皆藉為兵時舉兵必殺灰牛白
馬祠天地及木葉山神鑄金魚符調發兵馬其從
馬及傳命有銀牌二百軍所舍有遠探欄子馬以
夜聽人馬之聲每其立衆所得人戶馬牛金帛及
其下所獻牲口或犯罪沒入者別為行官領之建
州縣置官屬既死則設大穹廬鑄金為像朔望節
辰忌日輒致祭築臺高丈餘以盆焚食謂之燒飯
國母與番官胡服國主與漢官即漢服番官戴毡
冠上以金華為飾或以珠玉翠毛蓋漢魏時遼人
步襁冠之遺像也正月一日擲米團在帳外以得
雙數為喜如得隻數便令師巫解穰帳中人第七
日方北出呼姦担離譯云姦是丁担離是日人日
食煎餅俗云董天立春日婦人進新春書二月一
日蕭姓請耶律姓為瞎里時譯云瞎里是請時是
時三月三日國人射木雕兔分勝負飲酒呼為淘
裏化譯云淘裏是兔化是射四月八日用木雕悉
達太子一尊行城為祭五日午時采艾葉與綿相

和國王着紫衣七事臣僚賜艾衣三事呼此時為
討賽離七月十三國主離宮向西三十里迎節謂
賽離拾譯云賽離是月拾是日八月八日殺白大
於寢帳前七步埋頭露嘴後七日移寢帳於其上
呼此節為担褐嬭譯云担褐是狗嬭是頭九日打
團斗射虎畢登高飲菊花酒食兔肝鹿舌呼此節
為必里遲離譯云九月九日也十月五日京進紙造
小衣甲并鎗刀器械各一萬副十五日用番字扶
同燒奏木葉山神云寄庫呼為戴辦譯云燒甲冬
至殺白馬羊鴈取血和酒拜祭黑山神云死人皆
屬神管黑山如中國岱嶽云臘月主臣並戎裝五
更三點朝宴呼為抄離討譯云抄離是戰討是豈
五月十三放人作賊三日呼為鶻里討譯云鶻里
是偷討是時也契丹行軍不擇日用艾和馬糞於
白羊琵琶骨上灸破便出不破不出出軍每遇午
日起程如不用兵亦望西大喊三聲云午是北朝
大王之日凡見旋風合眼用鞭望空打四十九下
口中道坤不刻七聲富民要裹頭巾納牛睨十頭
馬百疋并給契丹名目謂之舍利凡男女拜皆一
是跪一足着地以手動為節數止三四彼言捏骨

地即跪也

卷之三十九

二

陽春園

書

宇文懋昭金志云金國本名朱里真番語舌音訛
為女真或曰慮真避契丹興宗名又曰女直肅慎
氏遺種渤海之別號也或曰三韓辰之役挈氏於
此地中最微且賤唐貞觀中靺鞨來中國始聞女
真之名世居混同江之東長白山下其山乃鴨綠
水源南鄰高麗北接室韋西界渤海鐵離瀕海三
國志所謂抱婁元魏所謂句吉唐所謂黑水靺鞨
者今其地也其屬分六部有黑水部即今女真其
水撈之則色微黑契丹目為混同江深二十丈餘
徒處可六七十步闊者至百步居江之南者謂之
熟女真以其服屬契丹也江之北者謂之生女真
亦臣服于契丹後有酋豪受宣命為首領號太師
契丹自賓州混同江北八十里建寨以守又云契
丹乘唐衰併吞諸蕃三古六女真在其中契丹恐
女真為患誘豪右數千家處之遼陽之南而著籍
焉分其勢使不得與本國通謂之合蘇斡自咸州
東北分界入宮口主東沫江中間所居之女真咸
隸兵馬司與其國往來無禁謂之回鶻抵陵而野
居者謂之黃頭女真又居東沫江之北寧州江之

東地方千餘里人戶十餘萬無大君長亦無國名
止是族帳散居山谷間自推豪傑為酋長小者千
戶大者數千戶蓋七十二部落之一也僻處契丹
東北隅臣屬一百餘年世襲節度使兄弟相傳週
而復始或又云其初酋長本新羅人號完顏氏完
顏猶漢言王也女真妻之以女生二子其長即胡
未也其自此傳三人以至阿骨打以其國產金及
有金水源故稱為大金女真在契丹東北隅地
饒裕山林田宜麻穀土產人參蜜蠟北珠生金細
布松實白附子禽有鷹鵠海東青之類獸多牛馬
麋鹿野狗白雉青鼠貂鼠其人勇悍好詐貪婪殘
忍善騎射喜耕種好漁獵每見野獸之蹤躡而求
之能得其潛藏之所又以狍皮為角吹作呦呦之
聲呼麋鹿而射之其居多依山谷聯木為柵或覆
以板與梓皮如牆壁亦以木為之冬極寒屋綫高
數尺獨開東南一扉扉既掩復以草網縵塞之穿
土為床煨火其下而寢食起居其上厚毛為衣非
入室不撤衣衣履稍薄則墮指裂膚雖盛夏如中
華初冬俗勇悍喜戰鬪耐饑渴苦辛騎上下崖壁
如飛濟江河不用舟楫浮馬而渡其樂惟鼓笛其

歌惟鷓鴣曲第高下長短如鷓鴣聲而已其疾病
無醫藥尚巫覡病者殺猪狗以禳之或用車載病
者入深山大谷以避之其親友死則以刀割額血
淚交下謂之送血淚死者埋之而無棺槨貴者生
焚所寵奴婢所乘鞍馬以殉之其祭祀飲食之物
盡焚之謂之燒飯其道略無旅店行者悉于民家
主人初則拒之不去方具飯食而納之其市無錢
以物博易無工匠其舍屋車帳往往自能為之其
禮則拱手退身為曙晚左膝導右膝拱手搖肘為
拜其節序元旦則拜日相慶重午則射柳祭天稅
賦無常隨用度多寡而歛之與契丹言語不通而
無文字賦歛科發射箭為號事息者三射之多以
牛驢負物遇雨則張牛革以禦之緩則射獵急則
戰鬪宗室皆謂之郎君事無大小皆屬焉
洪皓松漠記聞云粘罕者吳乞買三從兄弟名宗
幹小名烏家奴本曰粘漢言其貌類漢兒也其父
即阿盧里移資粘罕為西元帥後雖貴亦襲父官
稱曰阿盧里移資字極烈都元帥字極烈彼云大
官人也其庶弟名宗憲字吉甫好讀書甚賢
鷓鴣自唐末浸微宋時入居秦川為熟戶者女直破

陝悉徙之燕山井凉瓜沙舊皆有族帳後悉羈縻
于西夏唯居四郡外地者頗自為國有君長其人
卷髮深目脩眉虬髯善造賓鐵刀劍金相瑟瑟為
首飾結金線相瑟瑟為耳織熟錦熟綾纈羅絳毛
氍毹絨錦注絳又以五色線織成袍名曰刻絳全
肆青皆許西歸多畱不反今亦有目微深而髯不
虬者蓋與漢兒通而生也
孟拱蒙韃備錄云韃靼始起地處契丹之西北族
出於沙沱別種故於歷代無聞其種有三曰黑曰
白曰生白顏貌稍細為人恭謹生者甚貧且拙今
成吉思皇帝及將相大臣皆黑韃靼也彼俗初無
庚甲每以草青為一歲見月圓為一月無姓氏亦
無名諱近年乃有女真叛亡之臣為用成吉思譯
云天賜兩字也初無文書刻指以記後乃用回鶻
字如中國笛譜金人教之用漢字又慕蒙為惟國
故號曰大蒙古國元勳乃彼太師國王沒黑助者
小名也中國人呼曰摩喉羅彼詔語則曰謀合理
奉使曰宣差最敬天地每事必稱天聞雷聲則恐
懼不敢行師曰天叫也
程大昌北邊備對云四海之邊中國者在山東則

為東海在廣南則為南海惟西北二海不詳條支
之西有海班超其華覲至其地西北海之西又有大
秦即波斯也霍去病封狼居胥山臨瀚海者北
海也蘇武郭吉皆至此海之上北海之北更有骨
利幹之國在海北岸然則詩書所稱四海實環夷
夏非寓言也若西北二虜有西海相海之類皆衆
木鍾為大澤如洞庭彭蠡非真海也李吉甫薛白
亭海曰河北得水便名河塞外有水便名海若班
固叙張掖之水曰羗水出羗中東北至居延寒海
則真以居延為海矣
秦漢河南非洛陽河之南也上郡北地隴西朔方
西河皆在積石豐勝龍門三河之南故曰河南
北狄者太王之德鬻宣王之嚴仇幽王之犬戎桓
公之山戎也為其居四夷之北至戰國遂有林胡
烏桓後為鮮卑冒頓匈奴數漢史頭曼冒頓之父也
頭曼之時已稱單于後又增稱撐犁孤塗單于史
著其義曰撐犁者天也單于者廣大之貌也後魏
改可汗其擬則皇帝也突厥者撝牟也以撝牟名
國明其摩迹於兵也唐初頡利大盛所據之地三
垂薄海南抵大漢元魏拓拔本亦北虜唐自突厥

外其疆大者薛延陀四紇沙陀吐谷渾四種吐番
雖嘗侵入北境其實西戎也回紇之先匈奴也後
呼鐵勒薛延陀者回紇之部落也貞觀初突厥已
亡惟回紇與薛延陀最強已而回紇又併有延陀
之地天寶初回紇之臣裴羅襲破拔密自稱骨咄
祿毗伽款可汗天子以為奉義王居突厥故地徙
牙烏德隸山南去高闕無二千里則去塞甚不遠
而又盡回紇九姓之地九姓者曰樂菴羅曰胡咄
葛為族凡九也其後裴羅又殺白眉可汗盡得古
匈奴地此唐中世北虜最強者也匈奴屯聚之地
則曰置庭突厥兵師所駐即曰建牙其實一大
漠之名起于趙信今匈奴遠度幕北以疲漢軍幕
者漠也言沙磧廣莫望之漠漠然也漢以後史家
變稱為磧磧者沙磧也其義一也王門陽關皆在
燉煌即壽昌縣王門在縣北陽關在王門南故曰
陽一城設兩關者自此趨西北域有南此道也天山
即祁連山也又名時漫羅山又名祁漫羅山虜語
皆天也陰山漢朔方之北雲中之南代郡之西高
闕之東又有陽山皆在豐勝河之北燕然山在漠
北速邪烏之地焉支山在甘州剛丹縣焉支闕氏

也今之臘脂也浚稽山在武威塞北賀蘭山在靈州保靜縣

古築長城以捍北虜者四世燕趙秦隋也秦制多承燕趙而隋氏不盡因秦也燕城起造陽至襄平遼陽造陽者上谷也也棄平者遼東縣也遼陽者遼水之北也皆燕國邊胡之地故建築在此趙城自代地西屬高闕代者馬門郡也高闕者靈州北流河之西陰山上游也趙武靈王國於雲代故其城但能並河而西以極乎趙境耳秦并六國天下為一西自上郡北地而東至遼東西悉為秦有故蒙恬之致後也西起臨洮則中國極西之地也北屬遼東則中國極東之地也自東迄西殆萬餘里無一地而無長城然審而求之則其城不皆秦築也秦但補築使足耳前乎燕趙別有築之者史所不傳故繫言因古跡脩築也

劉郁西使記云西域之開始自張騫今之瀚海即古金山也印毒即漢身毒也駝鳥即安息所產大馬爵也密昔兒即唐拂菻地也骨篤摩大蛇之角也解諸毒龍種馬出西海中有鱗角壁種羊出西海以羊腓種土中溉以水聞雷而生腓系地中及

長驚以木臍斷便行齧草至秋可食臍內復有種
孔雀如中國畫者惟尾在翅內每日中振羽香
似土豹糞溺皆香如麝皂鵬一產三卯內一卵生
犬星槎勝覽占城國西抵交趾北連中國人
惟食檳榔裹葉包蠡殼灰百長歲時採生人膽
入酒中與家人同飲又以浴身謂之通身是膽
灵山與占城山地連接山頂有一石塊似佛頭故
名山峻泉繞民居星散結網為業田肥耕種一歲
二收相望凡往西洋必順風七晝夜可過東竺
鼎峙相望凡往西洋必順風七晝夜可過東竺
龍國與占城連接有雙澗水澄清佛書所云舍衛
乞食即此地也目連所居遺址尚存暹羅國
假馬里丁與交欄山相望男子髡髮穿竹布短衫
交欄山灵山起程順風十晝夜可至胡元命將
高興征閩婆至山下揜船病卒百餘留養不歸至
今居民有中國人雜處瓜哇國自占城起程順
風十晝夜可至舊傳鬼子魔天與一罔象合生子
百餘食啖人血肉佛書所云鬼國也肇在漢時至
大明宣德七年凡一千三百七十六年一地名蘇
曾馬益云唐時其家五百餘口男婦克惡一僧取

水喫之俱化為猿猴又一村名杜板海灘有水一泓其淡可飲稱為聖水元將使粥高興拜天所汲永樂中太監鄭和等賁勅賞賜舊港古名三佛齊國自瓜哇順風八晝夜可至其處水多地少部領在岸屋居民庶皆住木筏今為瓜哇所轄少至羅與瓜哇相接不事耕種專向冠掠所以商舶無別產馬頭商聚十二所交易皆婦人皆檀香樹十死八九蓋瘴氣及淫汚故也滿刺伽國自舊港順風八晝夜可至麻逸凍在交欄山之西南國尚節義婦喪夫則削髮務面絕食七日夫死同寢多並逝者七日不死終身不嫁至焚夫日多赴火死彭坑在暹羅之西田沃穀豐氣候溫風俗尚堆東西竺其山與龍牙門相望海洋中山形分對嵯峨若蓬萊萬丈之間龍牙門在三佛齊西北山門相對若龍牙狀中通船過番舶防其劫掠以親戚尊長為重一日不見則携酒殷問安厚以親戚尊長為重一日不見則携酒殷問安九川尺長六七丈者六株阿魯國與九川山西八九尺長六七丈者六株阿魯國與九川山西

望風氣與蘇門答刺大同小異淡洋與阿魯連
接有港清淡味并奔流出海舟人過徃及之名曰
淡洋蘇門答刺國古名須文達那自滿刺加順
風九晝夜可至花面國王其國與蘇門答刺鄰
境風俗淳厚強不奪弱上下自耕而食富不驕貧
不盜可謂善地男子皆少墨刺面為花獸之狀綠
頭裸體單布圍腰龍涎嶼望之獨峙南巫里洋
之中離蘇門答刺西去一晝夜程此嶼浮澗海面
波激雲騰每至春聞群龍來集於上交戲而遺涎
沫番人駕獨木舟登嶼採取或風波則人俱下海
一手附舟一手揖水其涎初若脂膠黑黃色頗有
魚腥氣久則成大塊或大魚腹中刺出若斗大亦
覺魚腥焚之清香可愛貨於蘇門答刺之市官秤
一兩用彼國金錢十二箇一斤該金錢一百九十
二箇准中國銅錢九千箇價亦非輕矣翠藍嶼
在龍涎之西北五晝夜程大小七門門中皆可過
船用傳聞釋迦佛昔經此山由此男女皆削髮無衣
止用樹葉紉結遮蔽前後錫蘭山國自蘇門答
刺順風十二晝夜可至海邊有一盤石上印足跡
長三尺許常有水不乾稱為釋迦佛從翠藍嶼來

登此山下有寺釋迦涅槃真身側卧在寺亦有舍利子在其寢處溜山洋國自錫欄山別羅里南去順風七晝夜可至其山海中天巧石門有三遠望如城門中可過船溜山有八沙溜酋長常貢方物傳聞又有三萬八千餘溜山即弱水三千之說也亦有人聚巢居穴處商舶若因風落其溜人船不可復矣大葛蘭國地與都欄樵相近土黑墳民懶耕作歲賴烏爹之米為食小葛蘭國山連赤土地與柯枝因接境西洋諸國馬頭也通使金錢大名儻伽每箇重八分小名吧喃四十准一地產胡椒亞於下里柯枝國與錫蘭山對峙內通古里國界又一種曰木瓜無屋舍惟穴居巢樹入海捕魚為業古里國自錫蘭起程順風十晝夜可至當巨海要嶼與僧迦密通亦西洋馬頭也風俗甚厚行者讓路道不拾遺法無刑杖惟以石灰畫地為禁榜葛刺國自蘇門答刺順風二十晝夜可至西通金剛寶座國曰詔納福兒乃釋迦得道之所海口曰祭地港立抽分所十六站至瑣納兒江又二十站至威儀壯盛贈使甚厚蓋富而有禮聚貨百有其王

者也又一種曰印度不食牛肉飲食男女不同處
夫死不再嫁妻死不再娶若孤寡則一村輪養
卜刺哇國自錫蘭別羅南去二十一晝夜可至與
木骨都束國接連竹步國與木骨都束接連
木骨都束國自古里順風二十晝夜可至
丹國自古里順風二十二晝夜可至
古里順風二十晝夜可至
風二十晝夜可至
忽魯謨斯國自古里順
可至牛羊駝馬皆食海魚乾山連五色皆是鹽也
鑿為盤碟碗器之類食物就用而不加鹽
國自忽魯謨斯四十晝夜可至乃西海之盡也有
言陸路一年可達中國地多曠漠即古筠冲之地
元周達觀真獵風土記或稱占臘其國自稱曰
李智西番經名曰澈浦只自温州開洋行丁未針
歷閩廣經交趾到占城又自占城順風可半月到
真蒲乃其境也自真蒲行坤申針過崑崙洋入港
自第四港北行順水可半月抵查南乃其屬郡也
又換小舟順水可十餘日抵干傍取城五十里按
諸番志稱其地廣七千里其國北抵占城半月路
西南距暹羅半月程南距番隅十日程其東則大

海也舊為通商來往之國亦有丞相將帥儀從亦有等級官呼為巴丁或呼暗丁儒呼班詰僧呼亭姑道呼八思惟由班詰入仕者則為高上之人頂上掛一條白線終身不去若茹削髮穿黃偏袒右肩下繫黃裙跣足茹魚肉惟不飲酒供佛亦然八思惟如常人打布之外頭上戴一紅布番婦產後即作熟飯抹之以鹽納于陰戶一晝夜除之一兩日即與夫合養女自七歲至九歲必命僧道去其童身名曰陣毯每歲四月內擇一日行亦有捨錢與貧女陣毯者謂之做好事前此父母同寢此後無復拘束若嫁娶不過苟簡從事不為耻也奴婢皆買野人山野中人也俗呼撞賊罵人一呼為撞恨入骨髓呼主人為巴驢主母為米巴兄弟為邦弟為補溫舅為乞賴姑夫為字賴以一為梅二為邦別三為卑四為為般五為字監六為字監梅七為字監別八為字監卑九為字監般十為字監呼中為備世屬脚九十餘曰真蒲曰查南曰巴潤曰莫良曰八薛曰蒲買曰雉棍曰木津波曰賴敢坑曰八厮里其餘不能悉記

回汝成炎徽紀聞

岑猛廣西田州府土官也自

叙漢武陰侯岑彭後宋元世為安撫洪武初岑伯
顏以田州歸附高皇嘉之使世襲知府後岑孟纂
武盧蘇倡亂新建伯受鐵專征大憝漏網而盛稱
其功此何解也岑瑋歸順州土官也岑猛之伏
誅岑瑋荷之趙臣啓之沈希儀主之而功皆不錄
何以勸後來也兩廣威令浸不行於土官什九類
此趙楷廣西龍州土官族子也黃琰思明府
夷酋也斷藤峽舊名大藤峽奢香貴州宣慰
使霽翠之妻也安貴榮霽翠之孫也奢香死霽
翠之弟安勻立于孫遂以安為姓田琛故思州
宣慰使也楊輝播州宣慰使也阿溪貴州清
平衛部酋也阿向都勻府部酋也猛密木邦
宣慰司部落也孟養故宣慰使司也苗人右
三苗裔也自長沙沅辰以南盡夜郎之境興氏夷
混雜通白南蠻其種甚夥散處山間聚而成村曰
寨其人有名無姓有族屬無君長近省界者為熟
苗輸租服役不與是籍者謂之生苗皆善為蠱毒
相讐殺諺云苗家讐九世休其生苗皆善為蠱毒
在羊二種擇懸崖鑿竅而居竹梯上下高者百仞
在獨山為九名九姓苗在平樂為紫姜苗在白

為賣爺苗在祥河間為八番子在葛章葛商為短
裙苗在陳家欄土為里苗又為天苗羅羅本盧
鹿而訛為今稱有二種居水西十二營寧谷馬場
漕溪者為黑羅羅亦曰烏蠻居募役者為白羅羅
而黑者為大姓俗尚鬼又曰羅鬼漢時火濟從諸
葛破孟獲封羅甸國王即今安宣慰遠祖也若自
托夜郎非何則以國名若特磨白衣九道則以道
名皆羅羅種也俗愚而戀主即赤族猶率其子姓
若妻妾戴之故自火濟至今十有餘年世長其土
勒四十八部部之長曰頭目狍狍一曰狍狍其
種有五花布橫圍腰間名桶裙為花狍狍紅布者
為紅狍狍在平伐者為打牙狍狍父母死子婦各
折二處投棺中云贈永訣也在新添者為剪頭狍
狍男女蓋髮寸許猪屎狍狍狍與犬豕同年
一曰楊黃石肝萬山之界○仲家不通文字俗尚
銅鼓中空無底土人掘得即偽言諸葛所藏購之
百牛

宋家蔡家中國之裔也龍家蓋從驪氏之裔其
種有四亭谷西堡多張劉趙三姓一曰大頭龍家
一曰狗耳龍一曰小頭龍家冉家平作冉氏之

商今曰冉家蠻 焚人漢為犍為郡古有罪沅之
西方曰焚言使偏寄于夷也 犍人古八蠻種也
僅人五嶺以南皆有之與徭雜處聚而成村者為
尚善為蠱毒一曰桃生一曰金蠶 獠人古稱天
竺黎人鴟蠻也今為瓊崖儋萬四州治黎有生熟
二種熟黎多符王二姓 蚤人瀕海而居 馬人
本林邑蠻相傳隨馬授北道散處南海共人深目
猥劣以採藤捕蠅為業或曰盧循遺種也故又曰

疊亭云

楊慎漢載記滇域未通中國之先有低牟苴者居
永昌哀牢之山麓今金齒地有婦曰沙壹浣絮水
中觸木有感生九男曰九隆族種類滋分為九十
九部其渠首有六各號為詔夷語謂詔為王一曰
家舍詔今蒙化府二曰浪施詔今浪穹縣三曰卸
賧詔今麗江府六曰蒙雋詔今建昌 段氏之先武
詔今麗江府六曰蒙雋詔今建昌 段氏之先武
威人有名儉魏者佐蒙氏有功賜名忠國擢清平
官大傳而生思平自思平至興智為元憲宗元年
凡二十主歷三百五十年元成段氏得五城八
府蠻郡三十有七元季亂段氏復據之於是有十

一總管出焉一代總管曰信直段實至十代總管
信直段實功之子洪武元年嗣職十一代總管信
直段明洪武十四年授以宣慰王成春傳友德沐
英分兵擒段明二子太祖赦之長授永昌鎮撫
因定賦法築城陞設衛堡立學校比於中州列郡
焉

鷄林王露魏鶴山云古人稱字者最不輕儀禮子
孫於祖稱皆稱字孔明諸子多稱夫子為仲尼子
思孫也孟子又子思弟子也亦皆稱仲尼雖今人
亦稱之而人不為忤游夏之門人皆字其師漢初
惟子房一人得稱字中世有字其諸父字其諸祖
者近世猶有後學呼退之兄童誦君實之類觀鶴
山此說古人蓋以稱字為至重今世唯平交乃稱
字稍尊稍貴者便不敢以字稱之與古異矣魯哀
公誅孔子亦曰尼父則君亦可以字臣
余嘗論儉有四益勤亦有三益蓋民生在勤勤則
不匱一夫不耕必受其饑一婦不蠶必受其寒是
勤可以免饑寒也農民晝則力作夜則類然甘寢
故非心淫念無從而生晉公父文伯之母曰審土
之民莫不向義勞也淵明詩曰田家豈不苦弗獲

辯此難四體誠乃疲而無異患于是勤可以遠淫
僻也尸棺不蠹流水不腐周公論三宗文王之壽
必歸之無逸呂成公釋之曰主靜則悠遠博厚自
強則堅實精明操存則血氣循軌而不亂收斂則
精神內守而不浮是勤可以致壽考也節儉之
盜非止一端大凡貪淫之過未有不生於奢侈者
儉則不貪不淫是可以用養德也人之受用於奢
儉省嗇淡薄有久長之理是可以養壽也醉醺飽
鮮昏人神志若疏食菜羹則腸胃清虛無滓無穢
是可以養神也奢則妄取苟求志氣早辱一從儉
約則於人無求於己無愧是可以養氣也故老氏
以為一寶

容齊五筆開士悟入諸佛知見以了義度無邊以
圓教垂無窮莫尊於妙法蓮華經凡六萬九千五
百五十字證無生忍造不二門住不可思議解脫莫
極於維摩經凡二萬七千九百一十二字攝四生九類
入無餘涅槃實無得度者莫先於金剛般若波羅
密經凡五千二百八十七字壞罪集福淨一切惡
道莫急於佛頂尊勝陀羅尼經凡三千二十字應
念順願願生極樂土莫疾於阿彌陀經凡一千八

百字用正見觀真相莫出於觀音普賢善薩法行
經凡六千九百九十字詮自性認本覺莫深於實
相法密經凡三千一百五字空法塵依佛智莫過
於般若波羅密多心經凡二百五十八字是八種
經具十二部合一十一萬六千八百五十七字三
乘之要旨萬佛之秘藏盡矣唐長慶三年蘇州重
玄等法華院石壁所刻金字經白樂天為作碑文
其叙如此予竊愛其簡明潔亮故備錄之
聖節所用祝頌樂語外方州縣各當筵致語之篇
又有王母像者若教坊唯祝聖而已歐陽公集乃
載五方老人祝壽文五首其東方曰但某太山老
叟東海真仙潘穿石而墉究始終松避雨而備知
歲月義氏定三百六日嘗守寅賓之官夷吾紀七
十二月君盡觀登封之事遇安期而遺棗笑方朔之
偷桃風入律而夾自巖前斗指春而光臨洞口昔
漢武帝嘗懷三島之勝特有美門生欲謁巨公於
昭代今則紫庭降聖華渚開祥遠離朝日之方來
展望雲之懸千八百國咸歸至治之風億萬斯年
共禱無疆之壽其頌只四句西中南北方皆然集
中不云何處所作

洪武三年五月諭中書詔曰今人書劄多稱頃者再拜百拜非禮也宜定其式細民有取古聖賢漢唐國寶等字為名若字者亦宜禁止禮部議允致書於尊者稱端肅奉書答則稱端肅奉復啟已者稱奉書奉復上與下稱書寄書答卑幼與尊長云奉書敬覆尊長其卑幼云書付某人其名字有天子國君臣聖神堯舜禹湯文武周漢晉唐等國號犯者悉更之是日又命定服色所尚禮部奏宜尚去從之功臣朝祀饅頭徹之散給衛士以激勸也高皇始造鈔不說夢神告當用秀才心肝高后曰士子文課也因以太學積課即成今太學課薄云給軍衛糊為礮倣書給光祿為麵藥太學賜監生家人漿粉錢後以諸婦不哭臨除之太學肄習案座以獨木堅厚曰秀才頑毋敗吾案祝允明野記

彊識畧三十九卷終

彊識畧四十卷

崇陽吳楚材國賢編 男徵徽徹倣全校

雜志部

下

師曠識駁識諫珂孤身識首陽之神狸身其二諫

其一諛東方朔識騶牙識巫雀識藻庶長八九寸

識恠哉其一諛其二諫以下俱危言別錄

管子知俞兒卑耳東方朔又知畢方獨足張寬知

女人星劉向知貳負械一足賈逵知鸞鸞胡綜

知秦始皇厭王氣物諸葛恪知倭藁山精如陸敬

叔知彭侯狀如黑狗無尾竇攸知鼯鼠張華知龍鮓以言

色之五

知海鳧毛知干將知臨平石鼓

以蜀中洞材刻為魚形印

之則

知銅澡盤

晨夕鳴與洛中宮鍾相應

知九館龍洞知然石

以水灌之便熱

知玉漿龍穴石髓束皙知顯節陵科斗策

賈淵知荀晞兒豕王粲知服羆人豕裴子野知白

題國何承天知亡新威斗陸杳知紫荷橐又知千

里酒又知古犧樽許敬宗知帝丘李璉知內黃傳

弘業知雌

形如承仰鼻長尾有岐

蘇綽知西漢故倉地杜鎬

知秦哀公墓李章武知鐵斧為禁物沈約知東夷

罽蓋

毛與高九尺銳下平蓋中有劍一蓋葬器也

陸澄識服匿

單于賜蘇武酒

傳奕知金剛石孟詵知藥金段成式知報時鐵

董養知周會狄地

下有蒼白鷺飛去

廬若虛識鼯鼠

約首虎應

大如拳

杜鎬知雀錫僧贊寧知畫牛隱見

見首卷中

劉敞

知龍雀刀

赫連勃勃鐸

又知周惡夫印為亞夫印劉蛻

知古銅盎非齊桓公物斛斯徵知鐔于

以芒銅振之清響

祖瑩知于閼國王故玉印徐鉉知海馬骨高裕知

陵鯉

古今事有絕相類今記之以供撫掌之資如瘦沈

語前有約後有昭略寄怨詩妻之實前有玄後有

涓望車塵之潘前有黨後有岳善畫婦人為帝殺

之毛前有延壽後有惠遠致冰解之王前有祥後

有延弔客驢鳴之王前有粲後有濟文銅錢作埒

之王前有濟後有元寶射石之李前有廣後有遠

種王得妻之陽前有洛陽雍伯後有廬龍翁伯

聖主時投水人知有卞隨務光而不知有北宮無

擇獻肱加毒以饒賜死人知有晉獻公子申生而不知有秦孝文王子西蜀侯憚思妾令方士致魂久知漢武之於李夫人而不知齊宣王之於殷淑儀治阿魯聞而阿不治人知有齊宣王之於殷淑儀知文王之藏丈人題壁作龍蛇歌人知有晉文之介子推而不知晉文之舟之喬秦許楚地而背之食人知張儀之於楚懷王而不知馮章之於楚王先帝而不死之藥而巧言以免死人知方朔之於漢武有孝女曹娥而不知趙社女絡掘地得石槨人知有滕公而不知有衛靈公飛廉看竹不問主人知有王微之而不知有袁粲倚柱讀書雷震不輟人知有夏侯玄而不知有諸葛誕獲偷侍兒人試文不殺因以賜之人知有楊素之於李伯樂而不知有蔡興宗之於孫敬王侍婢環執飲饌人知有王武子而不知有楊國忠孫晟國忠飲饌人知有王武羊羹不偏致敗人知華元之於御斟而不知中山王之於司馬子期乳生淮人知有元德秀而不知有李善綵衣娛戲人知有老萊子而不知有伯瑜知囊人知有晁錯而不知有樗里子魯匡讀易至伯

益而歎人知有向平而不知有孔子佩六印人知
有蘇秦而不知有樂大似石為虎射之沒羽人知
有李廣李遠而不知有熊渠子又王充論衡云是
養由基克以由基射晉侯中目而王充論衡云是
極可笑射楚王中目者呂錡由基以不能殺之為辨
歿而死也倒用印人知有段秀實之阻朱泚而不
知有李崧之安蜀一日殺二義士人知有袁紹之
於臧洪陳容而不知有張敬兒之於邊榮程邕之
能使主人前席人知有賈誼而不知有商鞅蘇綽
御屏開座人知有漢鄭弘第五倫而不知有吳紀
亮紀騰杯中蛇影人知有樂廣而不知有南皮令
應柳殺孝婦大旱三年人知有前漢之東海而不
知有後漢之上虞萬石君人知有前漢之東海而不
秦襲張文瓘留犢事人知有時苗而不知有羊扁
食脫粟人知有公孫弘而不知有晏嬰錢神論人
知有魯褒而不知有胡毋氏成公綬記半面人知
有楊愔而不知有應鳳陳蕃下榻人知有徐輝而
不知有周球雪中高卧人知有袁安而不知有胡
定夢贈筆人知有江淹而不知有王彪之王珣紀
少瑜陸倕李白和疑馬裔孫喫酒救火人知有樂

巴而不知有樊英碑信臣郭憲佛圖澄成武丁入
水戮蛟人知有周屬而不知有澹臺子羽荆欽飛
舊立祈羊車游後宮監水灑地人知有晉武而不
知有宋文御膳中有髮自數三罪以免死人知晉
平公之庖人而不知光武之陳正因病嘗糞人知
越王勾越之於吳王夫差而不知郭弘霸之於魏
元忠即席盡器飲酒歸而尚醒稱所得器人知裴
弘泰之於裴鈞而不知潘岫之於朱梁太祖下第
獻燕詩座主以明年登第人知有章孝標而不知
有于化成成刻石高山深谷人知有杜預而不知
頌真卿賜行酒炙人知有顧榮而不知有何遜陰
野一箭落雙鵝人知有斛律光而不知有拓拔幹
高駢錦纜事人知有隋煬而不知有滿奮還帶陰德至相
為燭人知有董卓而不知有蒲奮還帶陰德至相
佐人知有裴中令而不知有白中令以孤門生廢
蓼莪人知有王裒而不知有顧歡發塚類遠祖貌
人知有蕭頴士之於鄱陽王而不知有吳綱之於
長沙王因食辨勞薪人知有苟勗而不知有師曠
強索妾人知有孫秀武承嗣而不知有阮佃夫聞
鼓角聲加敬人知有范雲之於梁武而不知有到

仲舉之於陳武告靈不仕人知有王羲之而不知
有何偃通它心觀人知有忠國師之於大耳三
而不知有普寂之於柳中庸奕棋覆局人知有王
蒙而不知有到溉製千字文人知有韓翃而不知有周
知有蕭子範贈柳妾人知有桓玄而不知有侯景誤
古即位御床陷地人知有敦而不知有鮑子都廖有方駱駝負水
食梁豆人知有王忱而不知有宋孫仁祐而不知有柳開金蓮歸院
人知有王忱而不知有宋孫仁祐而不知有柳開金蓮歸院
養魚軍中人知有宋孫仁祐而不知有柳開金蓮歸院
殺負心僕人知有張詠而不知有王珪張崇還鎮率呼
人知有蘇軾而不知有王珪張崇還鎮率呼
錢趙在禮還鎮亦不知有王珪張崇還鎮率呼
庾即貧食鮭常有二十七種李崇富而吝人云誰謂
令公食常八種蓋庾惟三韭崇二韭也南北一時
事相類若此晉秦中竇滔妻蘇氏作迴文詩八
百一十二字唐范陽盧母王氏作天寶迴文詩八
亦八百一十二字晉平公出言而不當師曠舉琴
而撞之跌衽宮壁魏文侯出言而不當師曠舉琴
而撞之中旒潰之一見淮南子一見劉向說苑燕
太后不肯以少子質齊因陳翠愛少子之說而詐

趙太后不肖以少子質秦因左師觸龍愛少子之
說而許一見趙世家一見戰國策高齊神武不貴
慕容紹宗以留文襄唐文皇暫出李勣以留高宗
俱見本紀申鳴援梓而進戰為賊殺其父功成而
自殺趙苞援梓而進戰為賊殺其母功成而歐血
死一見說苑一見後漢書晉平公而曰君
之病在膏之下育之上秦武王示扁鵲病而曰君
之病在耳之前目之上謂皆以色致也一見左傳
一見戰國策東方朔知赤物為旌哉飲酒十石李
章武知鐵斧為厭物飲血三斗一見搜神記一見
酉陽雜俎懷素習盡數畝芭蕉鄭虔習書盡數屋
師葉俱見法書錄孫臏檣於魏而為齊師司馬喜
臏於宋而為中山相一見本傳一見呂氏春秋王
濟以錢千萬與王愷賭射八百里牛一勝而探牛
心爾朱文畧以好婢與高歸彥賭射千里馬一勝
而截馬頭一見晉書一見北齊書郭千秋明蕭何
功高立封侯公孫戎明樊噲不反立封二千戶一
見蕭何傳一見王莽傳孫權得諸葛恪而以亮桑
熟龜精張華得雷煥而以老桑辨孤精一見搜神
記一見集異志漢郭林宗遇雨巾角折人遂為折

角中周獨孤信馳馬帽微側人遂為側帽一見後漢書一見北史嚴峻為吳大帝誦孝經仲尼居張輔吳昭以為鄙生請誦君子之事上章陸澄為齊武帝誦孝經仲尼居王衛軍儉以為傳而寡要請誦君子之事上章一見吳志一見南齊書吳大帝夢人以筆點額熊循賀以為當作主齊文宣夢人以筆點額王曇首賀以為當作主俱遂即位一見吳祚國統志一見齊書魏文帝為王時夢日墮地分為三分已得一分納懷中陳文帝微時夢亦然後俱為三分之主一見談藪一見陳本紀歐陽率更見索靖碑初看云浪虛得名次日看曰名下定無虛士坐卧其下十日不能去闊立本見張僧繇畫亦然見宣和書畫譜楊司空素出見客挾侍姬紅拂因奔李靖郭太尉子儀出見客亦挾侍姬紅綃因奔崔氏一見虬髯客一見崑崙奴傳二人又皆創俠也郭汾陽與馮道亦有相類者郭以尚父大尉中書令汾陽王馮以太師中書令瀛王終俱八十餘又有女俱配龍王皆許之而死塑骨於廟亦大奇人有題馮女廟者身既事十主女亦配九龍可供一咲

按三輔舊事西京雜記諸書阿房宮前殿東西三
里南北五里前庭中可受十萬人車行酒騎行炙
千人唱萬人和一云上可以坐萬人下可以建五
丈旗閤內離宮三百閤外四百餘漢未央宮周回
二十八里前殿東西五十丈深十五丈高二十五
丈有殿閣三十二至孝武以木蘭為樊棹文杏為
梁柱金鋪王戶華棖壁璫雕盤玉碣重軒鏤檻青
瑣丹雘左城右平黃金為壁帶間以和氏琬玉風
至其聲玲瓏然也未央在城西偏而長樂在東太
后多居之周回十九里又有桂宮北宮明光宮在
北周回各十餘里孝武又建建章宮於未央宮西
長安城外跨城池作飛閣通之構輦道以上下周
迴三十里宮正門曰閭闔高二十五丈左鳳闕高
二十五丈右神明臺門內北起別風闕高五十丈
對峙井幹樓高五十丈輦道相屬馬連閣皆有眾
愚前殿下視未央其西則廣中殿受萬人廟記云
北闕門高二十五尺又有鳳皇闕高七十丈五尺
又畿內千里京兆治之前乘秦嶺後越九峻東薄
河華西涉岐雍内外宮一百四十五所隋文帝遷
都其正宮正殿皆名大興隋煬帝因之致美於西

苑後多幸東京江都以及唐改名太極宮然俱無
所增歸高宗於宮東北取苑地建大明宮其廣袤
亦及五里尚未能建章之半也宋東京宮殿初因
朱梁之舊建隆三年敕洛陽宮殿脩之始為壯麗
然周迴不過五里至晉南渡都建康朝宴所臨止
東西二堂宮門之外編竹以為儲胥而已宋南渡
都臨安以州治為行宮制度簡省垂拱大慶文德
紫宸祥曦集英六殿隨事易名實一殿重華慈福
壽慈壽康二宮重壽寧福二殿隨時異額實一宮
廷和崇政等四殿本一射殿天章龍圖等九閣實
天章一閣大內九庫隘階墀僅三級比於江南大
象而已秦漢大駕屬車八十一乘法駕屬車三十
六乘晉過江後但六乘而已天子無復六馬三乘
五路皆駕四而已無復五時車有事則權以馬車
代之建旗其上其後但以五色木牛象五時車豎
旗於牛背行則使人輿之一何凌替也梁孝王
廣雅陽城七十里西苑方二百里作曜華宮築兔
園園中有百靈山膚寸石落徠炭栖龍岫又有鴈
池池間有鶴洲鳧渚其諸宮觀相連延亘數十里
奇采異樹琛禽恠獸畢備王日與宮人賓客弋釣

其國中是漢之諸王喻於後世人也梁冀廣開園
園採土築山十里九坂以象二嶠深林絕澗有若
自然奇禽馴獸異方珍怪畢有是漢之貴戚喻於
後世八主也素廣漢於北山下築園東西四里南
北五里激流水注其中橫石為山高十餘丈連延
數里養白鸚鵡紫駕鵞羣牛青兕奇獸珍禽委積
其間積沙為洲嶼激水為波濤致江鵠海鶴孕雛
產鼓延漫林池奇樹異草靡不植培屋皆徘徊連
屬重閣脩廊行之移晷不能徧是漢之富民喻於
後世人主也卓王孫家僮千餘人程鄭折國石
崇俱八百人袁廣漢九百人王氏五侯刀達楊素
各數千人高陽王雍六千人郭汾陽三千人呂不
帝庶竺萬人達田萬頃素馬萬匹史稱窮奢極欲
者五侯群弟爭為奢侈賂遺珍寶四面而至羅鍾
落舞鄭女作倡優徇馬大治第舍起土山漸臺洞
門高廊閣道連屬相望郭况起高閣以量金玉錯
雜寶以飾臺榭懸明珠四垂晝視之如星夜望之
如月梁冀大起第舍妻孫壽亦對街為宅埤極上
木互相誇競堂寢皆有陰陽奧室連房洞戶柱壁
雕鏤加以銅漆窓牖皆有綺疏責瑣圖以雲氣僊

靈臺閣周通更相臨望飛梁石磴陵跨水道金王
珩煥異方珍恠充積私室遠致汗血名馬又廣開
園囿採土築山十里九坂以象二嶠深林絕澗有
若自然奇禽馴獸飛走其間冀壽共乘輦車張羽
蓋飾以金銀游觀第內多從倡伎鳴鍾吹管酣謳
竟洛或連繼日夜以聘娛石崇婢美艷千餘人常
擇其姿容相類者數十人裝飾衣服大小一等調
四方王什工為倒龍之珮紫金為鳳冠之釵結紳
繞檀而舞欲有召者不呼姓名悉聽佩聲視釵色
各含異香使行而笑語則口氣從風而颺又屑洗
水香末布象林上使所愛踐之無跡者即賜明珠
百籠初最幸為翔風後飄風退房幸綠珠珠弟子
宋綈有國色善笛後入明帝宮中蕭宏後庭數百
千人皆極天下之選所幸江無畏器服珍異侔於
東晉潘妃寶釵直千萬羊侃在衡州於兩艦符起
三間通梁水齋飾以珠玉加之錦綺盛設帷屏列
女樂垂潮解纜觀者填溢嘗宴北使陽斐賓客三
百餘人食器皆金玉雜寶奏三部女樂及夕侍婢
百餘人俱執金花燭魚弘侍妾百餘不勝金翠服
駝車馬冠絕一時有眠牀一張皆是寢相四面周

匠無有一異通用銀鏤金花壽福兩重為脚高陽
王元雍居第匹於帝宮白壁丹楹窈窕連雲僮奴
六千妓女五百隋珠照日羅衣從風時河間王琛
欲敵之造文相堂如徽音殿置玉井金鏤以五色
絹為繩伎女三百盡皆珠色求西域千里馬其次
七百里者十餘匹皆有名字以銀為槽金為環鎖
嘗會諸王陳諸寶器金甌銀甕百餘口既擊盤盃
稱是餘器有水精鉢瑪瑙琉璃赤玉卮數十牧
工作奇妙中土所無又陳女樂及諸名馬復引諸
王案行府庫錦罽珠璣水羅霧縠充切其內謂人
曰不恨我不見石崇恨石崇不見我楊素後庭伎
妾曳綺羅者以千數第宅奢侈僭擬宮禁有鮑亨
者善屬文殷胄者工草隸並沒為家奴秦王楊俊
為妃作七寶羣雞車不可載以馬負之而行又為
水殿香粉塗壁玉砌金階染柱檠棟之間周以明
鏡間以寶珠極瑩飾之美與賓客伎女絃歌其上
張易之為母阿臧造七寶帳鋪象牙牀繼犀角題
貂褥蛩蟄氈汾晉龍犀臨河鳳翮為席宗楚客造
一宅皆是文相純帟沆香和紅粉泥壁文石為階
幼安樂公主造定昆池四十九里累石為山以象

華岳引水為閭以象天津飛閣步檐叙橋磴道衣
以錦繡畫以丹青飾以金銀瑩以珠寶又為九曲
蓮花臺泉於臺湧出窮天下之壯麗揚國忠諸英
弟五家孫亘治錦繡琢金玉者大抵千人變化若
神隱每市幸華清宮五家隊合炯若萬花川谷成
錦鋪道鈿墜鳥瑟瑟珠翠狼藉於道香聞數十里
宅中沈香亭禁中遠不逮紅霓屏風雕刻前代美
人形取玩衣服皆衆寶雜砌水精為池外以玳瑁
水華為押絡以珍珠瑟瑟非人力所製元載芸輝
堂于闐香芸潔白如玉屑以塗壁沈檀為梁棟金
銀為戶牖中設前紅霓屏風紫綃帳輕疎而薄風
不能透冬溫夏涼有龍髯紫拂色如爛熳刺水晶
為栴刻紅玉為環紐所幸薛瑤英肌體自香蜀金
絲帳却重褥李昌夔在荊州打獵大修菜具其夫
人獨孤氏亦出女騎一千皆着紅繡襖錦鞍擲鳳
靴銀盤于頔在襄州點山澄油一上二千石張鎰
宴客牡丹會既集坐一虛堂寂無所有俄聞左右
云香發未答云已發命卷簾則異香自內出而然
滿坐群伎以酒殷絳行次第而至別有名家數十
首戴牡丹衣領皆繡如其色歌昔人所作牡丹詞

進酌而退前後花與伎凡十易杯器皆如其色進
竟歌者舞者數百人列行送客燭光香霧歌吹雜
作恍然若僊遊灌夫之祖姓張衛青之父姓鄭
文彥博之祖姓敬本非僻史然問之人不能知也
男子有雙名者夏主赫連勃勃吐蕃將乞藏進
渡國相尚婢婢唐琵琶客羅黑黑樂工紀孩孩
客精精兒空空見李懷光外孫燕八八元學士承
肯巉巉平章政事田田右丞相脫脫太傳王保保
即擴郭帖木兒學士馬馬婦人雙名者隋楊帝
官婢羅羅元微之傳崔薦薦又范十郎女鶯鶯
建封妾巧巧尉元中宮伎薛瓊瓊宋宣仁太后小
名洛洛朱端朝取伎馬瓊瓊杜牧之所狎伎張好
好元微之所歡錢唐妓謝好好畫中美人真真又
沈將軍妾真真元名趙真真同時馮蠻子妻趙
真真錢唐妓蘇小小私藏千牛女連奚盈盈又王
山所接仙女吳翌盈錦官城妓灼灼崔素冠節婢
青青常青姬紅紅朱虞部姬龍龍北里妓王蘇蘇
鄭舉舉王遵進張住住錢唐倡楊媛媛善和坊妓
端端武氏妓賽賽張雲雲御妓英英又楚州官妓王
英英秦州妓香香范十郎女燕燕宋善畫婦人任

才仲妾艷艷微宗幸妓李斯斯義妓毛惜惜又張
幼謙妻羅惜惜成都角妓丁憐憐又湖州妓丁憐
齊選鵲妻賈婢娉娉榴花女石醋醋劉諷遇鬼仙女
趙趙又理宗宮人趙趙元名妓荆堅堅李心心願
山山馮六六辛弃疾妾田田錢錢
有別號雙字者金趙學士元吳真人俱間間馮山
人存存近有來謙謙鳥雙名者青血灌灌又鷄
鷄同上崇吾蠻蠻藥山羅羅又鷄鷄周周見禽經
行是氏時惜宵宦氏嘖嘖見獨漸獸雙名者招
搖往往姑逢微微空桑軫軫泰山洞洞泰戲辣辣
霍山胞胞枚阜文又南中程程北海荒蠻蠻魚
雙名者剛山蠻蠻洛水庸庸見山海經又楊州禺
禺見王會婦人以五色名者前青青紅紅又紅
綃紅線紅拂紅鑒紅娘紅兒輕紅飛紅絳仙絳樹
絳桃絳真丹霞紫光紫緩碧玉綠珠素女素娥又
仙女青童相如賦美人有青琴四同名者真真
三同名碧玉樂府小家女又太元中司馬蓋妾又
喬知之妾即窈娘也王見潘妃又元樹愛姬又陳
敬暗營二同名者飛燕漢趙后唐寶曆宮中美
人朝雲河閭王琛婢蘇子瞻妾夜來魏文帝姬天

寶名妓及前薦薦好英英變變惜情翹翹憐憐
。湘東王有同姓名錄其書今存聊舉其灼灼
者在同時如兩曾參一曾參殺人而救魯子之母
投杼兩毛遂一毛遂墮井而致平原君之痛哭異
世則魯秋胡因婦採桑調其妻投水死漢亦有魯
殺胡求聘翟公女翟公誤傳調妻事以為薄行而
不許婚俱可笑也其次如國師公劉秀以名應圖
讖為王莽所殺而取王莽者為光武亦劉秀莽遣
太師安新公王匡攻更始始定國上公王匡不勝為
所執殺唐李尚書益與宗人尚書益者俱赴飲據
上坐因笑曰今日兩副坐頭俱李益代宗用韓相
知制誥宰相以平盧幕府員外及江淮刺史請上
書奏成無處不飛花絕句云用此韓相而員外得
之事皆奇其它同時者漢時兩韓信俱高帝時
一封楚王一封韓王三召平一故秦東陵侯一為
陳王上柱國一齊相恐東陵侯即陳王柱國為陳
封者秦自王剪父子外少徹侯矣不應有東陵侯
兩王恢俱武帝時一浩侯一大行謀誘匈奴者也
兩王威武帝朝其二年以郎中令自殺一六年為
太常兩王商俱成帝外戚一為丞相樂昌侯一為

太司馬成都侯兩王章俱哀帝時一河平三年一
太漢為右將軍六年後為太常一四年以京兆尹
直言死兩王崇俱平帝時一新甫侯故丞相嘉子
一大司空扶平侯晉兩王渾一新甫侯故丞相嘉子
之父一為司徒係濟之父兩王澄一即濟弟封侯
一即我從弟荊州都督兩孫秀一吳降將一趙王
倫一為彭城內史誅唐兩李光進俱代宗朝一為光
弼弟一為光顏兄俱番將賜姓為節度使封公兩
李一昭俱昭宗時一為孫德昭一為符道昭俱賜
姓名降朱梁為使相宋兩王著俱太祖時一以文
李與制一以書李待詔金兩訛可俱大將一吳代
而相類者兩王肅曹魏中領軍為魏制禮元魏尚
書亦為魏制禮兩王彥章梁大將為晉擒吳統
軍為英擒兩王珪唐侍中宋左僕射門下侍郎皆
門下相也兩王溥一唐懿宗一周世宗俱宰相
仁人有兩王喬其一即子晉也其一為栢人令天
監王棺以瘞者僧有兩智永一梁書僧一宋畫僧
○漢宗室多同名者其自列侯以下或應有之乃
至諸王亦自相犯何也豈非以宗正之失職耶余

不能及志姑志其顯者四劉慶六安王河間孝王
更始燕王清河孝王四劉章城陽景王高密頃王
齊哀王常山靖王三劉嘉梁荒王瑯琊康王漢中
王三劉雲城陽哀王廣德夷王東平煬王三劉定
沛釐王彭城頃王并凌貞王兩劉長淮南厲王濟
陰悼王兩劉榮臨江閔王沛幽王兩劉遂趙叛王
梁夷王兩劉交楚元王濟北懷王兩劉壽濟北惠
王瑯琊恭王兩劉勃濟北貞王常山王兩劉勝中
山靖山平原懷王兩劉武梁孝王城陽惠王兩劉
玄淮陽文王淮陽王即更始兩劉旦燕刺王長沙
煬王兩劉賀泗水戴王昌邑王兩劉授河間頃王
膠東共王兩劉寵陳愍王樂安夷王夫以王賀察
主然泗水先封名之同猶可也淮南竄死趙遂燕
旦以及絕國何所取而同之此大不可解者也
事有極可笑異者楚懷王死於楚為人所憐項梁
立其孫心亦號楚懷王以謚為爵也元世祖年號
曰至元其後順帝慕之亦改年曰至元林邑王范
揚邁死太子咄立慕父之德亦名揚邁皆夷俗也
○父子同名者二人隋虔士羅靖父亦名靖及范
揚邁魏大將安同父名屈子亦名屈然則韓退之

所云期其杜度不足道也史記鄭武公掘突譙周
以為突滑而孫厲公突索隱以為皆非也王彪
之臨之納之淮之與之進之凡六世王胡之茂之
俗之墳之秀之凡五世王羲之獻之靖之悅之凡
四世王晏之暉之陋之徐達之湛之聿之凡三世
胡母輔之謙之吳隱之瞻之顏悅之愷之兩世俱
仍之字舊記僅三世而不詳故備載於此
相物者陳君夫相馬留長孺相羗榮陽楷氏相牛
又有浮丘伯相鶴經竄成高堂隆相牛經叢助相
貝經師曠禽經伯樂周穆王諸葛頴徐成相馬經
而相馬者又有寒風三相口齒麻胡相頰女厲相
目衛忌相髮許鄙相况伏翔相胸脇官青相臆吻
陳非相股脚素牙相前君贊相後解獸語者介
葛盧見左傳解鳥語者公冶長見衝波傳又沈佺
期詩云不知黃雀語能免冶長見災侯瑾字子瑜見
噉煌實錄又廣漢陽翁仲解馬語見論衡李南亦
解馬語見抱朴子唐何得牛鳴知牛黑而白在角
見韓非子廷尉沈僧照聽南山彪肅云國有邊事
當選人丁見梁典荀勗食飯而知炊者之為勞
薪乃故車軸脚也符朗食鷄而知其栖之恒半露

又能知鷺白黑毛處可謂玄解若玄晏食麥而云挑杏李三汁所漬則不難矣

古人以糞為矢今人却以矢為屎屎自音斯呻吟聲也男子之陰曰勢又曰陽今吳中人却以鳥卵

之卵呼之而遂多諱其字通海內名鳥卵曰彈去聲何也沈約始為四聲韻以平上去入分清濁

高下自謂靈均以未始有觀而梁高祖雅不好之問周捨曰何謂四聲捨對曰天子聖哲是也帝

竟不能遵用陸厥與約駁論甚苦後至隋儀同劉臻等過陸法言論及聲韻以今聲調既自有別諸

家取捨亦復不同吳楚則時傷輕淺燕趙則多傷重濁秦隴則去聲為入梁益則平聲似去又支脂

魚虞共為一韻先仙尤沃俱論是切欲廣文略自可清濁皆通若賞知音即須輕重有異因取呂靜

韻集夏侯該韻畧陽休之韻畧周思言音韻李季節音譜杜臺卿韻畧等參伍之當時遂有法言撰

本長孫訥言箋註而同撰者為劉臻顏之推即魏淵盧思道李若蕭該辛德源薛道衡後又有郭知

玄緒正朱箋三百字開亮薛峴王仁煦祝尚丘孫恂輩寶文裴務齊陳道固各增加字至宋成廣韻

二萬六千一百九十四字沙門神珙又有四聲五
音九弄反紐圖其序畧云聿興文序反初為初一
字有訛餘音皆失又云欲反字先須紐弄為初一
弄下調則宮商靡次昔有梁朝沈約創立紐字之
圖皆以平聲碎尋難見唐又有陽南公南陽釋房
忠撰元和韻譜與文約義俱詞理稍繁尋求難顯
乃列五圓圖為五聲圖每圖皆從五音字行皆左
轉中有註說之又列二方圖為九弄圖圖中取一
字為頭橫列為圖首目題傍正之文以別之譜曰
平聲者哀而安上聲者厲而舉去聲者清而遠入
聲者直而促傍紐者皆是雙聲正在一紐之中傍
出四聲之外傍正之自此而分清濁也東方朔聲
何我剛鄂詩可康各西方舌聲丁的定泥寧寧聰
聖南方齒聲詩識之食止示勝識北方唇聲卑危
利電北墨朋遞中央牙聲更硬牙格竹幸事客自
神珙之切行而韻字益明矣元周氏之識約乃以
中士治音而勝之又欲以三聲而奪四聲亦可笑
首然其所舉平聲如靴在戈韻車邪遮嗟却麻
韻靴不押車車却協麻元暄駕言騫馬俱不先煩
翻不協寒山却與翹痕同押其音何以相着反不

雷為未方與哈協如北呼吸非鳴舌而何伯清之

帝召儒臣宋濂等論之曰韻學起於江左明興高

音有獨用當併為通用者如東冬清青之屬亦有

一韻當拆為二韻者如虞模麻遮之屬皆當改正

後纂集成書大約依三衢毛居正論凡獨用併為

通用者如微之與脂魚之與虞欣之與準青之與

清覃之與咸尾之與昔語之與虞隱之與軫迴之

與靜感之與謙未之與志御之與遇焮之與稔徑

之與勁勘之與陌迄之與術錫之與昔合之與洽

是也有一韻拆而為二麻字韻自奢字以下馬字

韻自寫字以下碼字韻自籍字以下是也又有以
中原雅聲正者如冬鍾第二韻俱併入東韻江第
三入陽韻批出元字等入先韻翻字殘字等入刪
韻之類是也其字畫大以說文為正今偏旁點畫
外錯者並依毛晃正之如支支母母受受美美之
類是也高帝初立法甚嚴犯者不放然今偏旁
點畫之類唯題奏本用之他不盡然也音韻唯
御製用之他不能盡然也學士大夫為古詩則古

韻乃唐律則唐韻為晉書則晉法雖以一代之與
章而有所不能行者亦異哉古有稱金貂者常
侍侍中侍貂以金為柱也漢稱金紫者金印紫綬
也其後江左入街曰金紫光祿銀青光祿猶此意
也善所謂金紫者紫衫金帶也又賜紫及金魚袋
後元復以金紫銀青入街國初亦因之印在秦漢
以為佩服之章至六朝尚因之故至小其丞相列
侯不用之奏牘矣不以施奏牘也唐用龜魚以代印而
謂綬非綬制也帝也其牙牌則以代印及龜魚之所
古王公列侯皆金印丞相將軍亦金印今法親王
金寶一二品銀印餘皆銅印古印列侯存者多銅
印人不曉所印古賜印外許得自製銅木牙
印蓋倣夏禹伯益作之金銀印不能存而銅獨得存
故也
暨郡縣神農作本草而有豫章朱崖趙國常山奉
高真定臨淄馮翊等郡縣周公作爾雅而云張仲
孝友孔子作春秋而云孔丘卒左丘明作世本而
有漢高祖燕王喜及家瑣語乃載秦望碑李斯作
蒼頡篇而有漢兼天下海內并刻禘黜韓復畔計

疾殘司馬遷作史記而有班固叙贊劉向作列傳而贊云七十四人出佛經又作列女傳其子歆足成之而有更始韓夫人明德馬后梁婦人嫫傳顧氏以為後人所葬非本文也然山海經本草爾雅恐亦非為神農周公作也處子賤治云然則子賤之鳴琴固若有教之也詩而天下西戎而效夷言夏禹入裸國而解下裳墨子見荆王而文錦吹笙非苟違性隨時所好也見劉子名昭而蔡琰入胡為胡婦生子歸復嫁董祀而范曄傳之列女賀知章八十六有疾冥然始乞鑑湖為道士而宋初傳之隱逸蓋脩史者惇節之臣難退之士故也素以功賢自得幸旬日間拜侍中賞賜者賢以色素以功賢自得幸旬日間拜侍中賞賜累鉅萬封侯遂進大司馬拜女弟為昭儀位次皇后妻得通籍殿中止賢廬賞賜各千萬數父恭自少府拜衛尉賜爵關內侯妻父為將作大匠弟寬信為執金吾詔將作起第北闕下重殿洞門木土之工窮極伎巧柱檻衣以第錦武庫禁兵尚方及寶選物上弟盡在董氏而乘輿所服乃其副也及

至東園秘器珠儒玉押皆豫以賜賢無不備具又
令將作為賢起瑩豕義陵旁內為便房剛柏題湊
外為激道周三數里門闕果園甚盛楊素初破齊
賜奴婢粟帛雜畜拜信州賜錢百萬錦千段馬二
百疋破陳賜物萬段粟萬石加以金寶又賜陳主
妹及女妓十四人破吳越賜絲物三千段江南定
賜黃金四十斤銀餅一寶以金錢縑三千段馬二
百疋羊二千口公田百頃宅一區仁壽宮成賜錢
百萬縑絹三千段討突厥賜物二千段黃金百斤
突厥破賜縑二萬疋萬釘寶帶遷左僕射賜良馬
百疋北馬二百疋奴婢百口山陵成賜物萬段田
三十頃米萬石金鉢一寶以金銀鉢一寶以珠拜
綾錦五百疋賜射手賜金精盤賞值鉅萬破漢王
諒賜物五萬段綺羅千疋諒妓妾二十人從幸東
京賜甲第一區物二千疋漢文帝即位大尉勃
賜黃金五千斤丞相平將軍嬰二千斤朱虛侯章
襄平侯通典客揭各千斤宣帝即位大將軍光賜
黃金七十斤錢六千萬雜繒三萬疋奴婢百七十
人馬二千疋甲第一區漢世賞功之重如此
劉威碩在蜀車服侈靡艷妾數十能為聲樂悉教

誦靈光殿賦謝靈運門故恒數百人室宇華曠盡
山泉之美車服鮮麗衣裳器物多改舊形世共宗
之徐湛之產業甚厚宇舍園池貴游莫及伎樂之
美冠絕一時門生千餘皆三吳富人子安質端美
衣服鮮麗每出入行游塗巷盈滿徐居舊為湘東
王諮議文冠一府新聲艷語人多諷習尤長部書
問無不對善弦歌好聲色侍妾數十皆佩金翠曳
羅綺服翫悉以金銀閉門盡日酣飲有時載伎肆
意游行荆楚山川靡不游踐是四君者比之王石
尚為黔婁第文士酸寒得此亦是生天之福今
人以椿萱擬父母當是元人傳奇起耳大椿氏八
千歲為春秋以擬父猶可萱引詩語言樹之背殊
不切觀唐元微之詩萱近北堂穿土早宋丁會之
草解忘憂憂底事則唐宋人必不以萱擬母也橋
梓所謂橋仰而為梓俯而卑周公之所以擬伯禽
也久矣
潘輿事今將母者通用之而不知潘以石崇事見
於其母固同典其禍也及瓜事今以為得代之期
而不知瓜期不得代連稱管至父繇此為亂也含
鷄舌香乃侍中刀存以年老口臭令含之墓碑生

金在賈梁道廟以為晉中興之兆而庾氏為戚族
之候俱不為佳事也今世所稱返壁蓋左傳所
謂受殯而返壁也若以周敬王事擬之則佳秦始
皇事擬之則不雅子朝與敬王戰投壁於河後二
日洋人得之於岸將賣之石也已敬王事定獻之
復為玉秦使者夜過華陰平舒道有人持壁遊使
者曰為我遺鎬池君因言曰今年祖龍死使者奉
璧具以聞使御府視壁乃二十八年行渡江所沈
壁也傳咸傳攀蚊髯附螭翼然則蚊亦有髯乎
列子以燕角之子柳蓬之箭射虱之心而懸不絕
虱亦有心乎蚩觸之罔在獨角聞而伏危數百里
蝦邦蟻郡又不足言矣儒者言王者之世有莢
肺冀夷屈軼蛙鱸走脯者厨中自生肉脯薄如莢形
搔鼓生風寒涼食物使之不鳧事極可笑冀夷夾
階而生月朔日一莢生至十五日而足十六日一
莢至晦而盡王者不必按曆而知朔宋之問所謂
節晦冀全落是也屈軼即所謂指佞草也蛙鱸者
一角之羊也臯陶治獄其罪疑者令觸之有罪則
觸無罪則不觸即今所畫解鴈也又有倉光水獸
也一身九頭善覆舟師尚父渡孟津以號其衆令

速涉王充皆有辨
嶺之衣生於陵屯則為
陵鳥得鬱栖虫名則為
螯其葉為蝴蝶蝶化而為
為乾餘骨鳥名乾餘骨之
食醢酒上蟻蠓順輅虫名
乎九猷老虫脊為虫名生
一名守瓜一名分鼠羊奚
青寧虫名青寧生程程生
有羊肝化為地阜馬血為
為野鴉為鴉鵂為布穀布
鼠為鴉朽氏為魚老韭為
亶爰之獸自孕而生曰類
純雌其名大鬻純推其名
化為鸚鵡泡魚大者如斗
之班者化為虎見倦游離
化石山刻化百合無情化
蝶鯨化黃熊望帝化杜鵑
黃母化鼃徐伯化魚其他
雨水暴下蟲蛇變化化為
魚驚歲月推移氣變物

類蝦蟆為鵲雀為蜃蛤蠶食桑老績而為縲縲又
化而為蛾螭螭化為復育復育轉而為蟬

文章九命一貧困顏淵簞食瓢飲原思藜藿不糝
子夏衣若懸鶉列子不足嫁衛莊周貸粟監河枯

魚自擬黔婁妻被不履形東方朔若餓欲死願比侏
儒司馬相如家徒壁立典鵲鵲陽昌家傭酒太史

公無賂賄罪乃至就腐匡衡為人傭書東郭先生
履行雪中足指盡露王章病無被卧牛衣中王充

游市肆閱所賣書范史雲釜中生塵第五頎無田
宅寄上靈臺中或十日不炊郭林宗以衣一幅障

出入則護前出則掩後孫晨有藁一束暮卧旦
卷吳瑾傭作讀書趙壹言文籍雖滿腹不如一囊

錢束皙債家相教乞貸無處王尼食車牛竟餓死
董京殘絮覆體乞匄於市夏統採招求食卻洗養

屠種蒜以給治喪陶潛驅餓乞食思效冥報應焉
屠蘇發徹機榆見謀兇道元與天公戲言布衣麤

短申脚足出攀捲脊露張融寄居一小船放岸上
虞蘇遇雨舒被覆書身乃大濕王智深嘗五日不

得食掘莞根食之刈峻家有悍室輒軻樵悴裴子
野借官地二畝蓋茅屋數間盧叟每作一布囊至

貴家飲噉後餘肉餅付螟蛉杜南浣花蠶月乞人
一絲一兩鄭虔履穿四明雪餓拾山陰橡蘇源明
藝薪照字垢衣生鮮陽城胥榆作粥不干隣里賈
島歎髮絲如雪不堪織衣孟郊苦寒恨敲石無火
廬仝長鬚赤脚灌園自資周朴寄食僧居不能娶
婦國朝如聶大年庚寅輩咸旅食廬居不堪其
憂通來謝客糊口四方俞子抱影寒廬生無立
錐之地以死余嘗有詩貽謝云隱士代失職達者
漸其故二嫌忌屈原見忌惠子荀卿見忌春申賈誼
非見忌李斯莊周見忌惠子荀卿見忌春申賈誼
見忌絳灌董仲舒見忌公孫蔡邕見忌王允邈諫
孔融楊脩見忌魏武曹植見忌文帝虞翻見忌孫
權張華見忌荀勗陸機見忌盧志謝混見忌宋祖
劉峻見忌梁高薛道衡王胄見忌隋煬柳詵見忌
諸葛穎張九齡李邕蕭隱士見忌李林甫顏真卿
見忌元載武元衡見忌王叔文韋愈見忌李逢吉
李德裕見忌李宗閔白居易見忌李德裕溫庭筠
李商隱見忌令狐綯韓偓見忌崔胤楊億見忌丁
謂蘇軾見忌舒亶李定石介見忌夏竦或以材高
畏逼或以詞藻漸工大則芥質小猶貝錦近代如

李獻吉薛君采華亦遭讒沮不可悉徵三玷缺類
光祿家訓云自古文人多陷輕薄屈原顯暴君過
宋王見遇俳優東方曼倩滑稽不雅司馬長卿竊
貴無操王褒過彭儻約楊雄德敗美新李陵降辱
夷虜劉歆反覆莽世傳殺黨附權門班固盜竊父
史趙元叔抗疎過度馮敬通浮華擯壓馬季長佞
媚獲誚蔡伯喈同惡受誅吳質詆訶卿里曹植悖
慢犯法杜篤乞假無厭略粹隘狹已甚陳琳實號
寵疎繁欵性無檢格劉楨屈強輸作王粲率疎見
媒孔融彌衡傲誕致頂楊脩丁廙扇動取覺阮籍
無禮敗俗嵇康陵物凶終傳玄忿聞充官孫楚矜
誇凌上陸機犯順陵險潘岳乾沒取危顏延年負
氣推黜謝靈運空疎亂紀王元長凶賊自貽謝玄
暉侮慢見及雖天子有才華者漢武魏太祖父帝
明帝宋孝武皆負世議子謂顏公談尚未悉如儀
秦代厲權謀翻覆韓非刻薄招忌李斯吏霍覆宗
劉安好亂亡國陸賈納賂夷荒枚臯輕冶媒賤楊
惲怨望被刑匡衡阿比中貴劉向誣用黃白谷杜
宗傳戚里王充狂誕非聖陳壽售米史華劉琨少
沒權將孫綽人稱穢行王儉市國取相沈約乘時

微封張纘杯酒殺人謝超宗鮑照納間伏挺納賄
削髮魏收淫婢徵賄江總獻諂麗詞世基從吏荒
君世南遨遊二帝四傑皆號輕浮沈宋並馳險儉
李嶠浮沈致責蘇味道模稜充位張說大肆苞苴
賀知章縱心沉湎王維鄭虔陷身逆虜柳宗元劉
禹錫躁事權臣劉長卿怨對多忤嚴武驕矜無上
李白見辟狂王崔顥數棄仇偶元稹改節與援李
德裕樹黨拊擊王建連姻貂璫李益感恩藩鎮楊
億譴侮同舍曾鞏陵鏢維桑歐陽修垂名濮議蘇
軾取攻蜀黨王安石元豐欽怨陸游平原失身人
主如梁武隋煬王東長城違命昏德不足言矣以
唐文之賢而閨門之行不可三絨况其他乎即如
吳邁表杜必簡之流不能盡徵通時李獻吉氣誼
高世亦不免狂簡之譏他若解大紳劉原溥桑民
暉唐伯虎王雅欽常明卿孫太初王敬夫康德涵
皆紛紛負此聲者何也內侍則出入弗矜出忌則
攻摘加苦故爾然寧為有瑕璧勿作無瑕石四脛
蹇孫卿垂老蘭陵避讒引却孟氏再說不合傍徨
出畫長卿為郎數免婆婆茂陵仲舒既罷江都衡
門教授賈生長沙卑濕作鵲賦東方朔久困抱戟

作客時惟白首故書作鮮明馮衍老於家作
志賦陳壽以謗議再致絀辱孫楚以輕石苞淫
六積年夏侯湛中郎不調作抵疑卻正三十年不
過六百石作釋譏潘安仁三十年一進階再免一
除名一不拜作閒居賦下彬擯棄形骸仕既不遂
作客數弱蟲賦劉峻為梁武所抑不見用作辨命
論何遜宦游不進作拍張賦盧思道宦途遲滯作
孤鴻賦盧詢祖斥修邊候作長城賦王沈為掾鬱
鬱作釋時論蔡凝為長史不得志作小室賦劉顥
六十餘曳裾王府丘陵陶不樂武位欲掘頽榮塚
劉孝綽前後五免蕭惠開仕不得志齋前悉種白
楊庚仲容王籍謝我卿俱久不調沈酣以終伏枥
止八出仕老而不達其子以悲恨從賊侯白欲用
北洵落吳蜀孟浩然以禁中忤旨放還終老薛令
之以首宿致嫌奪官蕭頴士及弟三十年終為記
室王昌齡詩名滿世栖遯一尉賈島溫飛卿皆以
龍鱗魚服顛顛不振孟郊公乘億溫憲劉言史滿
貢之徒老困名場僅得一第或方鑊一辟憔悴以
死至其詩所謂鬢毛如雪心如死猶作長安下第

人十上十年皆下第一家一半已成墜一領青衫

清不得着朱騎馬是何人又有柳榆路鬼憔悴波

臣爾猴騎土牛鮎魚上竹竿之翁憶其窮甚矣胡

仲中聶大年劉欽誤卜華伯李獻吉康德應王敦

夫薛君米常明卿王稚欽皇甫子安子循王道思

皆適時之偃蹇者五流貶流徙則屈原呂不韋馬

融蔡邕虞翻顧譚薛榮卞錄諸葛左張溫王誕謝

靈運謝超宗劉祥李義府鄭世翼沈佺期宋之問

元萬頃閻朝隱郭元振崔液李善李白吳武陵賈

明則宋燕瞿佐唐肅豐熙王元正楊慎貶竄則賈

誼杜審言杜易簡常元旦杜甫劉允濟李邕張說
張九齡李嶠王勃蘇味道崔日用武平一王翰鄭
虔蕭頴士李華王昌齡劉長卿錢起韓愈柳宗元
李紳白居易劉禹錫呂溫陸贄李德裕牛僧孺楊
虞卿李商隱溫庭筠賈島韓偓韓熙載徐鉉王禹
偁尹洙歐陽脩蘇軾蘇轍黃庭堅秦觀王安中陸
游明則鮮縉王九思王廷相顧璘常倫王慎中
李俱所不免窮則窮矣然山川之勝與精神有相
然者六刑辱孫臏刑足范睢折脇張儀捶至數
百司馬遷腐刑中公胥靡補衡鼓吏劉楨尚方鑿

石張溫幽繫馬融蔡邕班固之流至謝莊崔慰祖
袁孝陸厥輩咸有遺令四帖高爽有鑊魚賦杜篤有
野侯賊鄒炎有淹俱有上書皆是四繫中成者
吳漢誅鄒陽江淹俱有上書皆是四繫中成者
明初文士往往耕作佃通來三木緒衣亦所不
免七夭折楊烏七歲預玄文九歲卒夏侯崇七歲
屬文十三歲戰歿范攄子七歲能詩十歲卒王子
晉十五對師曠十七上賓於帝周不疑蕭子回十
七被殺林傑六歲能文十七歲卒夏侯稱劉義真
行蕭鏗陳叔慎陳伯茂俱十八歲義真及鏗俱賜死
素著十九歲為陸瓚邢居實俱二十王寂蕭觀二十一徐
份九歲為夢賦與何炯俱二十二劉宏二十三王
荆王脩王延壽王詢何子朗俱二十二劉宏二十三王
道劉景素二十五補衛王訓李賀俱二十四袁耽字彥
玠王融俱二十七鄒炎陸厥崔長謙俱二十八楊
經沈友王勃俱二十九陶丘洪阮瞻到鏡到仇劉
苞歐陽建俱三十梁昭明劉訐俱三十一顏淵陸
績劉敞盧詢祖俱三十二賈誼王僧綽俱三十三
陸琰三十四蕭子良謝瞻崔慰祖俱三十六謝晦王曇
王洽劉琰王錫王僧達謝朓俱三十六謝晦王曇

首謝惠連蕭緬陸玕俱三十七王珉王儉王肅俱
三十八王濛三十九嵇康歐陽詹俱四十近代高
啓鄭善夫何景明高叔嗣俱三十九王誼殷雲霄
林大欽及友人宗臣俱三十六梁有譽三十五常
倫三十四徐真卿陳東俱三十三李兆先二十七
梁懷仁馬拯僅二十餘又有蘇福年十四蔣燾十
七蘭摧王折信哉八無終韓非蒙毅龜錯楊惲京
房賈捐之班固袁著崔琦蔡邕孔融楊脩補衡邊
讓張裕周不疑鄒奕夏侯玄高岱沈友常曜賀邵
帝昭穆康呂安張華裴頠石崇潘岳孫拯歐陽建
陸機陸雲符朗謝混顏峻劉義真劉景素沈懷文
謝朓劉之遴王僧達王融擅超丘巨源謝超宗荀
丕蕭綽蕭繹蕭鋒蕭蕭貴崔浩荀濟王昕宇文弼楊
汪陸琛王所揚情溫子昇虞綽傅縡章華王胄薛
道衡劉湛歐陽稚張蘊古劉縠之李福業王無競
王劇王勔范履冰苗神客陳子昂王昌齡李邕王
涯舒元興盧仝姚漢衡劇燕路德延汪台符郭昭
慶鍾謨潘佑高啓張羽張孟兼孫賁綽縉以寬李
斯劉安主父偃息夫躬何晏鄧騭隱蕃桓玄殷仲
文傅亮謝晦謝靈運范曄孔熙先謝綜王僧伏知

命張衡鄭樵宋之同崔湜蕭至忠薛稷蘇渙江為
宋齊丘鄭首供以法屈原杜篤周處劉岷郭璞任
孝恭素叔素榮王僧綽陳叔慎許善心絡賓王張
巡顏真卿溫庭結周朴孫晟陳喬文天祥俞闕王
韓方孝孺以義陳遵鍾會蔣顗夏侯榮衛恒曹攬
王衍虞欽來歸素山松殷仲堪羊璿之沈警沈穆
之鮑照素報張績江簡鮑泉尹式孔德紹王由常
諛蕭獻王頴祖君彦虞世基皮日休以亂他如王
筠以并王廷壽何長瑜盧照隣以水張始均以火
伊璠以益歐近代常倫以狂刃韓邦奇馬理王維
褚以地震至若高貴鄉公梁簡文湘東王魏孝靜
隋煬所不敢論九無後叔向之魁既餒中郎之女
僅存劉瓛劉璉並廣蒸嘗劉鼓劉討何胤何點先
虛佐僊李太白蕭穎士有子而獨孫女流落俱為
市人妻崔曙一女名星白公一姪曰龜王維四弟
無子陽城三昆不娶孔融子女髫年被刑機雲會
時若功駢修王筠園門盜手神理茶酷於斯極矣
邇來宗臣王宗績高岱亦然

彊識畧四十卷終